

կենդանի հումորի նրա խոր զգացողության մասին: Պրոֆ. Արաք Շամիրովը նշեց, որ հայ գրողներից քրդերեն ամենաշատ թարգմանված է Քումանյանը, որը մեծապես ազդել է քուրդ սովետական գրականության զարգացման վրա: Մ. Ջանիրյալյանը խոսեց հայ բանահյուսության ավանդույթների և Քումանյանի ստեղծագործության առնչության շուրջը: Քրիլիսիի համալսարանի դոցենտ Ա. Խառատյանը զեկուցում կարգաց «Քումանյանը և «Կովկասի գրաքննական կոմիտեն» նյութի մասին: Ցարական գրաքննության արխիվի ուսումնասիրության հիման վրա նա նշեց այն ավերածությունը, որին ենթարկվել են հայ գրողների, այդ թվում նաև Քումանյանի գործերը, որոնցից շատերի տպագրությունը արգելվել է:

Քումանյանի ամբողջ ստեղծագործական ուղին բնութագրվում է մի տիպական միտումով, ավելի ու ավելի մերձենալ հարազատ ժողովրդին, արտացոլել նրա անցյալն ու ներկան, հոգևորականությունն ու հույսերը, նշեց բանասիրական գիտությունների ղեկավար Է. Ջրբաշյանը:

«Քումանյանը և ժողովրդայնության պրոբլեմը» զեկուցման մեջ: Քումանյանի ստեղծագործությունը, ասաց նա, մեծապես ընդլայնեց ժողովրդայնության սկզբունքը:

Մինսկի համալսարանի դոցենտ Ա. Խոմչենկոն և Վիլնյուսի համալսարանի դոցենտ Պ. Ումկալնիսը պատմեցին այն սիրո մասին, որ տառույտ են բելոռուս և լիտվացի ընթերցողները հայ գրողի հանդեպ: 12 տարի առաջ հրատարակվեց Քումանյանի գործերի բելոռուսերեն առաջին ժողովածուն, իսկ 100-ամյակի օրերին լույս կտեսնեն գրողի ընտիր երկերը: Թարգմանական և այլ կարգի միջոցառումներ կլինեն նաև լիտվայում: Կիևի համալսարանի դոցենտ Ն. Գնատյուկը զեկուցեց «Քումանյանը և Պավլո Տիլիսան», իսկ դոցենտ Ղ. Այվազյանը՝ «Հովհաննես Քումանյանը ոտու նախահեղափոխական քննադատության գնահատմամբ» թեմայով, մասնավորապես նշելով, որ նրան թարգմանել են Բալթիկ, Բրյուսովը և ուրիշներ, որոնք բարձր են գնահատել հայ մեծ գրողին:

Ա. ՂԱԼԻՍԱՆ

ՀԻՆ ԱՐԵՎԵԼՔԻ ՔԱՂԱՔՆԵՐԻՆ ԵՎ ԱՌԵՎՏՐԻՆ ՆՎԻՐՎԱԾ ԳԻՏԱԿԱՆ ՆՍՏԱՇՐՋԱՆ,

1969 թ. մայիսի 19—23-ը Երևանում տեղի ունեցավ արևելագետների համամիութենական գիտաժողով, որը նվիրված էր Հին Արևելքի քաղաքների առաջացմանն ու ներքին կյանքին (մ. թ. ա. III—I հազարամյակներում), ինչպես նաև տեղական և տարանցիկ առևտրի հարցերին:

Գիտաժողովի աշխատանքներին մասնակցելու համար Մոսկվայից, Լենինգրադից, Քրիլիսիից, Բաքվից, Վիլնյուսից, Դաուգավպիլսից և Դուշանբեից Երևան ժամանեցին մի խումբ արևելագետներ:

Ելույթ ունեցողները իրենց զեկուցումներում կանգ առան Շումերի, Բաբելոնի, Խեթական պետության, Ուրարտուի, Իրանի, Հայաստանի, Վրաստանի և հինարևելյան մի շարք այլ պետությունների քաղաքների ներքին կյանքի և առևտրի հարցերի վրա, ելնելով համաշխարհային արևելագիտության նվաճումներից:

Ի. Մ. Դյակոնովը «Քաղաքի պրոբլեմները Բաբելոնում մ. թ. ա. II հազարամյակում» զեկուցման մեջ վերլուծության ենթարկելով փաստական հարուստ նյութը և նկատի ունենալով, որ Հին Արևելքի քաղաքը արտահայտում է տվյալ ժամանակաշրջանի տնտեսության ձևերի և հասարակության սոցիալական հարաբերությունների յուրահատուկ առանձնահատկու-

թյունները, նշեց, որ սեպագիր սկզբնաղբյուրները և պեղածո նյութերը ցույց են տալիս, որ քաղաքը Հին Արևելքում եղել է որոշակի գյուղատնտեսական շրջանի և մասնագիտացված արհեստների կենտրոն, ինչպես նաև ներքին և միջազգային ապրանքափոխանակության և նյութական կուտակման վայր: Որոշ պայմաններում այն եղել է նաև արքունական-տաճարային տնտեսության և պետական վարչական մարմինների կենտրոն: Սրան զուգահեռ Հին Արևելքի քաղաքն ուներ նաև համայնական ինքնավարության օրգաններ: Հին Արևելքում տնտեսական-քաղաքական միավորը եղել է ոչ թե քաղաքը առանձին վերցրած, այլ բնակավայրերի որոշակի մի խումբ, որոնք փոխադարձ տնտեսական կապի մեջ են ելել միմյանց հետ, գտնվել են միևնույն շրանքի վրա, որն է փոքր գետի ավազանում կամ մեծ գետի որոշակի մի հատվածում: Հետագայում, երբ այդպիսի առանձին հատվածները միավորվում են մեկ կենտրոնացված պետության մեջ և երկրի պաշտպանվածությունը ավելի հուսալի է դառնում, նկատվում է գյուղացիական ընկալության տարածումը կենտրոնական քաղաքների պարիսպներից դուրս, որի հետևանքով առաջանում են քաղաքային փոքր և գյուղական մեծ ընտանիքներ: Սակայն այն դեպքում, երբ քաղաքային բնակ-

շուքյան որոշ մասը չի ուզում կտրվել գյուղատնտեսական աշխատանքներից, բայց միաժամանակ չի ուզում դուրս գալ նաև քաղաքի պարիսպներից, մեծ ընտանիքներ են առաջանում նաև քաղաքում:

Մ. Ա. Դանդամաևը «Վաճառականների դերը ուշ շրջանի Բաբելոնում» զեկուցման մեջ ցույց տվեց, որ Հին Արևելքի քաղաքների և առանձին պետությունների տնտեսության զարգացման և մշակութային փոխներթափանցման համար կարևոր նշանակություն է ունեցել առևտուրը: Մ. Բ. ա. VII—IV դարերի բաբելական փաստաթղթերում հանդիպում են այսպիսի անվանումներ՝ «արքունական վաճառականներ», «ավագ վաճառականներ», «խոշոր վաճառականներ» և այլն: Բաբելոնի վաճառականները տվյալ ժամանակաշրջանում զբաղված էին միջազգային առևտրով, մասնավորապես Եգիպտոսից Բաբելոն ներմուծվող ապրանքների տեղափոխությամբ և վաճառքով: Արքունական վաճառականները զբաղվում էին արքային պատկանող ապրանքների, մասնավորապես ոսկու, բնամթերքների և այլնի առևտրով: Երկրի ներսում վաճառականները զբաղվում էին ստրկավաճառությամբ, գնում և վաճառում էին անասուններ, ձուկ, գարի և այլն: Նրանք հաճախ հանդես էին գալիս նաև որպես վաշխառուներ, տոկոսների փոխարեն ստանալով դրամ կամ բնամթերք: Նրանք միաժամանակ հանդիսանում էին խոշոր հողատերեր և մշակելու համար հաճախ իրենց հողը վարձով տալիս էին ուրիշներին:

Ն. Վ. Հաբոթյունյանի և Կ. Լ. Հովհաննիսյանի զեկուցումը նվիրված էր «Էրեբունի քաղաքը գրավոր աղբյուրների համաձայն» թեմային: Եթե Հին Արևելքի քաղաքների սոցիալտնտեսական և քաղաքական պատմության ուսումնասիրությունը պատմության հնագույն շրջանի համար ունի ընդհանուր նշանակություն, ապա Ուրարտուի քաղաքների ուսումնասիրությունը այդ հարցում ունի խիստ կոնկրետ նշանակություն: Հանգամանորեն շարադրելով Ուրարտուի հյուսիսում մ. թ. ա. 782 թ. հիմնադրված քաղաք-ամրոցի կառուցման և բնակեցման պատմությունը, զեկուցման մեջ ցույց տրվեց, որ նորահիմն քաղաք-ամրոցը գտնվելով Արարատյան դաշտի հյուսիս-արևելյան ծայրամասում, հանդիսանում էր ռազմա-ստրատեգիական կենտրոն Հայկական լեռնաշխարհի հյուսիս-արևելյան շրջանները, հատկապես Սևանա լճի ավազանը նվաճելու համար: Արարատյան դաշտի հիշյալ քաղաք-ամրոցը ռազ-

մա-ստրատեգիական կենտրոն լինելուց բացի հանդիսանում էր նաև խոշոր տնտեսական կենտրոն: Աչքի են ընկնում պեղումների շնորհիվ բացված գինու մառանները, իսկ նոր գրավոր տվյալներով՝ նաև հացահատիկի շտեմարանները, որոնք իրենց մեծությամբ չեն զիջում Ուրարտուի կենտրոնական շրջաններում կառուցված շտեմարաններին: Ռազմա-ստրատեգիական և տնտեսական այս կենտրոնը, ըստ սեպագիր աղբյուրների, միաժամանակ հանդիսանում էր նաև կրոնական խոշոր կենտրոն, ուրարտացիների գերագույն զլխավոր աստծու տաճարով և համանման այլ շինություններով: Սեպագիր սկզբնաղբյուրները պարզում են ինչպես Աղա երկրի (Արարատյան դաշտի), այնպես էլ հիշյալ քաղաք-ամրոցի բնակչության ազգային կազմը: Պարզվում է, որ Աղա երկրի բնիկների հետ միասին այստեղ ապրում էին ուրարտացիներ, խեթեր, ծուպացիներ, արելեանեցիներ, բաբելացիներ և այլ ժողովուրդների ներկայացուցիչներ, որոնց երկրները երբևէ ենթարկվել էին ուրարտացիների հարձակումներին: Քաղաք-ամրոցում կյանքը սկյութացիների արշավանքների հետևանքով ոչ թե ընդհատվել է, ինչպես կարելի էր ենթադրել մի ժամանակ՝ գրավոր և պեղածո նյութերի սակավության պատճառով, այլ տանելով ճակատագրի բոլոր հարվածները, հարատևել ու շարունակում է իր առաջընթացը նաև մեր օրերում, դառնալով Սովետական Հայաստանի մայրաքաղաք Երևան:

Գիտաժողովում բովանդակալից զեկուցումներով հանդես եկան նաև Ա. Ա. Վայմանը («Աշխատանքի նորմերը քաղաքային ծառայության բանվորների համար Բաբելոնում մ. թ. ա. III—II հազարամյակում»), Ի. Գ. Ամուսինը («Դրամական շրջանառությունը հին Պաղեստինում»), Է. Ա. Մենաբդին («Քաղաքային ինքնավարությունը խեթական պետությունում մ. թ. ա. II հազարամյակի կեսերին»), Ա. Դ. Լունդինը («Քաղաքը և պետությունը Հարավային Արարիայում մ. թ. ա. I հազարամյակում»), Բ. Ն. Առաքելյանը («Արմավիրի պեղումները»), Գ. Խ. Սարգսյանը («Նոր տվյալներ Սելևկյան Բաբելոնի քաղաքային հողատիրության մասին»), Գ. Ա. Տիրացյանը («Հայաստանի նախահելլենիստական շրջանի քաղաքների հարցի մասին մ. թ. ա. VI—IV դարերում»), Դ. Ա. Խախուռայնովին («Երեբրիայի քաղաքների առաջացումը և նրանց զարգացումը անտիկ շրջանում») և ուրիշներ:

2. ԿԱՐԱԳՅՈՋՅԱՆ